

S. EUSEBII

EPISCOPI, ET MARTYRIS.

S E M I D U P L E X.

DIE XVI. DECEMBRIS.

*In festo S. Eusebii Episcopi, & Martyris.**Semiduplex.**Omnia de Communi unius martyris, præter ea, quæ hic assignantur.**Oratio.*

Deus, qui nos beati Eusebii martyris tui, atque Pontificis annua solemnitate lætificas; concède propitius, ut cujus natalitia cõlimus, de eisdem etiam protectione gaudeamus. Per Dõminum nostrum.

*Fir commemoratio Ferie Adventus.**In primo Nocturno, Lectiones de Scriptura occurrente.**In secundo Nocturno.**Lectio iij.*

Eusebius natione Sardus, Romane Urbis Lector, post Vercellensis Episcopus, ad hanc regendam Ecclesiam merito est creditus divino electus iudicio; nam quem

numquam antè constituti electores cognoverant, post habitis civibus, simul ut viderunt, & probaverunt, tantumque interfuit, ut probaretur, quantum ut videretur. Primus in occidentis partibus in eadem Ecclesia eisdem Monachos instituit esse, quos Clericos, ut esset in ipsis viris, & contemptus rerum, & accuratio Levitarum Arianis impietatibus ea tempestate per Occidentem longè, lateque traductis, adversus eas viriliter sic dimicavit, ut ejus invicta fides Liberium Summum Pontificem ad vitæ solatium erigeret. Quare hic sciens, in ipso fervere Spiritum Dei, cum ei significasset, ut penes Imperatorem unã cum suis legatis patrocinium Fidei susciperet, mox cum illis profectus est ad Constantium, apud quem enixius agens, quidquid legatione petebatur, obtinuit, ut Episcoporum nempe coetus celebraretur.

*

r. Ho-

✠. Hónestum fecit illum Dóminus, & custodívit eum ab inimicis, & à seductóribus tutávit illum; * Et dedit illi claritátem aetérnam. ✠. Descendítque cum illo in sóveam: & in vñculis non derelíquit eum. Et dedit.

Lectio v.

Colléctum est Medióláni anno sequéti Concílium ad quod à Constantio invitátum Eusebium concupitúmque, ac vocátum à Libérii legátis, tantum abest, ut malignántium Synagóga Ariánórum contra sanctum Athanásum fueréntium in suas partes addúceret, ut pótius disertè statim ipse declárans, è præséntibus quosdam sibi compértos hæretica labe pollútos, Nicænam imò fidem proposúerit iis subscribendam, ántequam cétera tractaréntur: Quod Ariánis acerbè irátis negántibus, nedum in Athanásum recusávit ipse subscribere, quin sancti Dionysii mártiris, qui decéptus ab ipsis subscripserat, captivátam simplicitátem ingeniosíssimè liberávit; quámobrem illi gráviter indignántes, post multas illátas injúrias, exilio illum mulctárun: sed sanctus vir excússó pulvere, nec Casaris minas véritus, nec enses obstrictos, exilium véluti sui ministérii Officium accépit, missúsque Scythópolim,

famem, sitim, vérbera, divérsaque supplicia perpéssus, pro fide strénuè vitam contémpsit, mortem non méruit, corpus carnificibus tradidit.

✠. Desidérium ánimæ ejus tribuísti ei Dómine, * Et voluntáte labiórum ejus non fraudásti eum. ✠. Quóniam pravenísti eum in benedictiónibus dulcedinis: posuísti in cápite ejus corónam de lápide pretiósó. Et voluntáte.

Lectio vi.

Quanta in eum tunc Ariánórum crudélitas fúerit, ac effrons inverecúndia, osténdunt graves litteræ plenæ róboris, pietátis, ac religiónis, quas è Scythópoli scripsit ad Vercellénsém Clerum, & pópulum, aliósque finitimos, è quibus étiam est explorátum, ipsórum nec minis, inhúmanáque sævitia potuisse umquàm eum deterréri, nec serpentina blanda subtilitáte ad eórum societátem perdúci. Hinc in Capadóciám, postremóque ad superióres Ægypti Thebáidas præconstántia sua deportátus, exilij rigóres tulit ad mortem usque Constantij, post quem ad gregem suum revérti permíssus, non prius redire voluit, quàm reparándis fidei jactúris ad Alexandrínam Synodum sese conférret, postque médici præstantis instar péragrans Oriéntis provincias in fide infirmos

mos ad integram valetudinem restitueret, eos instituens in Ecclesiae doctrina. Inde salubritate pari digressio in Illyricum, tandemque in Italiam delato, ad ejus reditum lugubres vestes Italia mutavit, ubi postquam Psalmorum omnium expurgatos a se commentarios Origenis edidit, Eusebiique Caesareensis, quos verterat de Graeco in Latinum, demum tot egregie factis illustris ad immarcescibilem gloriae coronam tantis arumnis promeritam sub Valentiano, & Valente, Vercellis migravit.

eum Dominus: * Et coronam pulchritudinis posuit super caput ejus. ✠. Cibavit illum Dominus pane vitae & intellectus: & aqua sapientiae salutaris potavit illum. Et coronam. Gloria Patri. Et coronam.

In Tertio Nocturno, Homilia Sancti Gregorii Papae in Evangelium. Si quis vult post me venire. ut in Communi unius Martyris secundo loco. R. viii. Domine praevenisti. Missa. Sacerdotes Dei. ut in eodem Communi secundo loco, & sit commemoratio Feriae.

R. Stola jucunditatis induit



Sanctissimus Dominus Noster BENEDICTUS
 XIII. ad humillimas preces Episcopi, Capituli,
 & Civium Civitatis Vercellensis benignè indulgit,
 atque concessit, ut Officium S. Eusebij Episcopi Ver-
 cellensis, & Martyris cum Lectionibus secundi No-
 cturni propriis ab Eminentissimo, & Reverendis-
 simo Domino Cardinali Pipia diligenter revisis, at-
 que correctis die 16. Decembris ab omnibus utrius-
 que sexus Christi fidelibus, qui ad Horas Canoni-
 cas tenentur, sub ritu Semiduplici recitare, &
 Missa respectivè celebrari debeat, & ita in Bre-
 viario, & Missali Romano apponi mandavit. Die
 7. Julij. 1728.

N. Cardinalis Coscia.

Loco  Sigilli.

N. M. Tedeschi Archiepiscopus Apamensis

Sacra Rituum Congregat. Secretarius.